



Cofnodion y CBC wedi'u cadarnhau
Is-bwyllgor Ansawdd, Diogelwch a Chanlyniadau (QSO)
03 Chwefror 2025 am 13:30 o'r gloch
Wyneb a wyneb ac ar Microsoft Teams

Aelodau:

Susan Elsmore	(SE)	Cadeirydd QSO ac Aelod Lleyg, CBC GIG Cymru
Mandy Rayani	(MR)	Is-Gadeirydd ac Aelod Lleyg, CBC GIG Cymru
Phil Kloer	(PK)	Prif Weithredwr, BIP Hywel Dda

Yn Bresennol:

Leanne Amos	(LA)	Swyddog Cymorth Gweinyddol, CBC GIG Cymru
Carole Bell	(CB)	Cyfarwyddwr Nyrsio ac Ansawdd, CBC GIG Cymru
Adrian Clarke	(AC)	Dirprwy Gyfarwyddwr a Phennaeth Nyrsio, CBC GIG Cymru
Vicki Dawson-John	(VDJ)	Arweinydd Ansawdd, CBC GIG Cymru
Iolo Doull	(ID)	Cyfarwyddwr Meddygol, CBC GIG Cymru
Kirsty John	(KJ)	Uwch Arweinydd Comisiynu Arbenigol, CBC GIG Cymru
Jacqui Maunder	(JM)	Ysgrifennydd y Pwyllgor a Chyfarwyddwr Cyswllt Gwasanaethau Corfforaethol, CBC GIG Cymru
Shane Mills	(SM)	Cyfarwyddwr Iechyd Meddwl, CBC GIG Cymru
Angela Mutlow	(AM)	Cyfarwyddwr Strategol Gweithrediadau a Gwasanaethau Corfforaethol, Llais
Adele Roberts	(AR)	Pennaeth Ansawdd a Gofal Cleifion, CBC GIG Cymru
Melanie Wilkey	(MW)	Cyfarwyddwr Comisiynu ar gyfer Gwasanaethau Arbenigol
Helen Tyler	(HT)	Pennaeth Llywodraethu Corfforaethol, CBC GIG Cymru
Jacob Barge	(SN)	Claf (Stori Claf)
Jonathan Wood	(JW)	Ffisiotherapi, BIP Caerdydd a'r Fro (Stori Claf)

Ymddiheuriadau:

Shameen Nawaz	(SN)	Aelod Lleyg CBC GIG Cymru
Ross Whitehead	(RW)	Cyfarwyddwr Comisiynu Ambiwlans ac 111, CBC GIG Cymru

Dirprwy:

Phill Taylor	(PT)	Pennaeth Comisiynu a Pherfformiad. CBC GIG Cymru
--------------	------	--

Cofnodion:

Karla Williams	(KWi)	Swyddog Llywodraethu Corfforaethol Dros Dro, CBC GIG Cymru
----------------	-------	--

Dechreuodd y cyfarfod am 13:30 o'r gloch.



Cyfeirnod yr Eitem	Eitem ar yr Agenda
QSO25/001	<p>1.1 Croeso a Chyflwyniadau Cynhaliwyd y cyfarfod ar Microsoft Teams ac wyneb yn wyneb, a nodwyd bod cworwm wedi'i gyflawni. Nid oedd unrhyw wrthwynebiad i'r cyfarfod gael ei recordio at ddibenion gweinyddol. Cafwyd cyflwyniadau.</p>
QSO25/002	<p>1.2 Ymddiheuriadau am Absenoldeb Nodwyd yr ymddiheuriadau fel yr uchod.</p>
QSO25/003	<p>1.3 Datganiad o Fuddiannau Ni dderbyniwyd unrhyw ddatganiadau eraill o fuddiannau.</p>
QSO25/004	<p>1.4 Cofnodion y Cyfarfod Etifeddiaeth a gynhaliwyd ar 4 Tachwedd 2024 a Materion sy'n Codi Roedd cofnodion cyfarfod blaenorol y Pwyllgor Ansawdd a Diogelwch Cleifion (QPSC) a gynhaliwyd ar 4 Tachwedd 2024 wedi'u hadolygu a'u cymeradwyo gan Ian Green fel Cadeirydd y cyfarfod fel cofnod gwir a chywir o'r trafodaethau. Nid oedd unrhyw faterion yn codi o'r cofnodion i'w trafod.</p>
QSO25/005	<p>1.5 Log Camau Gweithredu Derbyniwyd y log gweithredu o gyfarfod blaenorol y Pwyllgor Ansawdd a Diogelwch Cleifion (QPSC), a chytunoddyr aelodau i gau'r camau gweithredu a gwblhawyd a nodi'r cynnydd yn erbyn y camau gweithredu agored:</p> <p>QPSC24/062 Stori Claf Trafododd yr Aelodau'r mecanweithiau adrodd i Fyrddau Iechyd (BI), gyda'r Cyfarwyddwr Nyrsio yn awgrymu adfer y Newyddlen Ansawdd i rannu gwybodaeth gyda Byrddau Iechyd, gan fod hyn yn amlygu arfer da a gwelliannau i wasanaethau. Gofynnodd Phil Kloer (PK) am eglurhad ynghylch a fydd hyn yn rhan o'r adroddiadau wrth symud ymlaen. Cadarnhaodd Carole Bell (CB) y byddai hwn yn ddarn ychwanegol o waith, a oedd yn drefniant etifeddiaeth yn dilyn sefydlu Cyd-bwyllgor Comisiynu GIG Cymru ac fel rhan o'r strategaeth Cyfathrebu ac Ymgysylltu, nid yw hwn wedi'i symud ymlaen. Cytunodd CB i rannu enghreifftiau o gylchlythyrau blaenorol i aelodau.</p> <p>CAM GWEITHREDU: Rhannu enghreifftiau o gylchlythyrau ansawdd blaenorol gydag aelodau'r pwyllgor i ddangos y meysydd dan sylw a'r cynnwys arfaethedig ar gyfer cylchlythyrau yn y dyfodol.</p>



Cyfeirnod yr Eitem	Eitem ar yr Agenda
	<p>Ychwanegodd JM y byddai adroddiad sicrwydd hefyd yn cael ei gyflwyno i gyfarfod y Cyd-bwyllgor (JC), ac i Bwyllgorau Ansawdd a Diogelwch y Bwrdd Iechyd. Ychwanegodd JM fod cylchlythyr etifeddol Gwasanaethau Iechyd Arbenigol Cymru (PGIAC) wedi cael derbyniad da a oedd yn dangos y cynnydd cadarnhaol, y gwersi a ddysgwyd a'r dysgu cenedlaethol. Felly, roedd awydd i'r CBC gyflwyno cylchlythyr yn ogystal ag adroddiad sicrwydd.</p> <p>QPSC24/093 – Adroddiad y Tîm Comisiynu Canser a Gwaed Nododd Melanie Wilkey (MW) fod adroddiad y Cyfarwyddwr Gwasanaethau Arbenigol wedi rhoi sylw i hyn. Cadarnhaodd SE y byddai diweddariad yn cael ei roi o dan yr eitem hon ar yr agenda.</p>
QS025/006	<p>1.6 Cylch Gorchwyl yr Is-bwyllgor Ansawdd, Diogelwch a Chanlyniadau</p> <p>Derbyniodd yr aelodau ddiweddariad ar y Cylch Gorchwyl ar gyfer yr is-bwyllgor newydd a rhoddwyd diweddariad ar gylch gorchwyl a phwrpas yr Is-bwyllgor. Cadarnhaodd JM eu bod wedi'u cymeradwyo gan Gyfarfodydd Bwrdd y Bwrdd Iechyd ym mis Ionawr, gan amlygu'r newid yn y Prif Swyddog Gweithredol fel aelod. Gwnaethpwyd un ychwanegiad arall a dilëodd y Bwrdd Iechyd y cyfeiriad at gynrychiolydd ochr staff fel mynychwr.</p> <p>Amlygodd SE mai Phil Kloer oedd y Prif Weithredwr enwebedig o Fwrdd Iechyd ond gofynnodd a oedd unrhyw ddiweddariad ar benodi dirprwy. Byddai JM yn cysylltu â Paul Mears (PM) i gael diweddariad y tu allan i'r cyfarfod.</p> <p>Gofynnodd Angela Mutlow (AM) i gynrychiolydd Llais fod yn fynychwr gyda hawliau siarad yn hytrach na bod yn aelod, a hynny oherwydd yr angen i gynnal eu hannibyniaeth.</p> <p>Cytunodd yr Aelodau i:</p> <ul style="list-style-type: none">• Nodi Cylch Gorchwyl yr Is-bwyllgor Ansawdd, Diogelwch a Chanlyniadau.
QS025/007	<p>1.7 Blaengynllun Busnes 2025-2026</p> <p>Cyflwynwyd y blaengynllun busnes ar gyfer y deuddeg mis nesaf, cadarnhaodd JM ei fod yn ddrafft ac y gallai newid, gyda diweddariadau wedi'u cynnwys ar ansawdd a'r ddyletswydd gonestrwydd. Byddai fersiwn wedi'i diweddarau yn cael ei chyflwyno yn y cyfarfod nesaf.</p> <p>Holodd PK am bwysigrwydd adrodd ar ganlyniadau a phrofiadau cleifion. Ymatebodd CB y byddai'r wybodaeth hon yn cael ei chynnwys yn adroddiadau Comisiynu'r Cyfarwyddwyr. Gellir cyflwyno'r adroddiadau</p>



Cyfeirnod yr Eitem	Eitem ar yr Agenda
	<p>hyn mewn amryw o ffyrdd, megis drwy themâu a thueddiadau o gwynion, digwyddiadau, ac archwilio dwfn, neu drwy waith penodol sy'n ymwneud â'r thema gomisiynu honno.</p> <p>Gofynnodd PK am sicrwydd ychwanegol ynghylch sut mae'r tîm yn goruchwylio'r canlyniadau a'r wybodaeth profiad a dderbyniwyd, a sut y nodwyd materion yr oedd angen eu huwchgyfeirio. Nododd CB fod hwn yn bwyllgor newydd ac y byddai'n myfyrio ar yr adborth hwn.</p> <p>Awgrymodd Mandy Rayani (MR) y gellid ehangu'r adroddiad digwyddiadau a phryderon i gynnwys adroddiad ehangach ar brofiad y claf, gan amlygu profiadau a chanlyniadau allweddol. Cytunodd CB ac MR i weithio gyda'i gilydd i sicrhau bod yr adroddiadau ar ganlyniadau a phrofiad cleifion yn gynhwysfawr ac yn rhoi'r sicrwydd angenrheidiol i aelodau.</p> <p>CAM GWEITHREDU: CB ac MR i wneud gwaith i sicrhau bod yr adroddiadau ar ganlyniadau a phrofiad cleifion yn cael eu casglu a'u cynnwys.</p> <p>Cytunodd yr Aelodau i:</p> <ul style="list-style-type: none">• Nodi'r blaengynllun busnes.
QS025/008	<p>2.1 Stori Claf</p> <p>Rhannodd Jonathan Wood (JW), Ffisiotherapydd o'r Gwasanaeth Aelodau Artiffisial a Chyfarpar (ALAS) gyflwyniad ar y canlyniadau cadarnhaol i gleifion o'r gwasanaeth Penglinau Microbroesydd (MPK), gan gynnwys:</p> <ul style="list-style-type: none">• Llai o ofn cwmpo a gwell symudedd,• gwelliant o 44% mewn canfyddiad symudedd,• gostyngiad o 35% mewn ofn cwmpo,• gwelliant o 65% mewn ymddygiad osgoi,• mwy o hyder a'r gallu i roi cynnig ar weithgareddau newydd; a• pwysigrwydd adsefydlu o ran meithrin ymddiriedaeth a hyder yn y MPK, gan sicrhau llwyddiant hirdymor i gleifion. <p>Rhannodd Jacob Barge (Jacob) ei brofiad personol am ddefnyddio gwasanaeth MPK a thynnodd sylw at effaith gadarnhaol MPK ar ei symudedd, hyder ac ansawdd bywyd, gan gynnwys llai o ofn cwmpo a gwell symudedd.</p> <p>Cydnabu Jacob ymdrechion y tîm cyfan i gefnogi'r gwasanaeth MPK a chyflawni canlyniadau cadarnhaol iddo'i hun.</p>



Cyfeirnod yr Eitem	Eitem ar yr Agenda
	<p>Nododd JW fod posterï wedi'u cynhyrchu ar gyfer data'r cyfnod cychwynnol, data chwe mis a data deuddeg mis y gellid eu rhannu. Cadarnhaodd SE y byddai hyn yn cael ei groesawu.</p> <p>CAM GWEITHREDU: Rhannu cyflwyniad a phosterï gydag aelodau.</p> <p>Diolchodd CB i Jacob a JW, gan nodi bod Jacob wedi rhannu ei stori â'r Cyd-bwyllgor yn ddiweddar. Ychwanegodd CB fod y gost fesul claf yn uchel, ond bod y buddion yn gorbwyso'r costau hyn.</p> <p>Diolchodd MR hefyd i Jacob a JW a holodd a oedd meini prawf hawl penodol yr oedd yn rhaid eu bodloni. Cadarnhaodd CB fod manyleb gwasanaeth gyda meini prawf yn bodoli, a rhaid i'r panel adolygu cyflwyniadau IPFR. Nododd JW fod gan bob gwasanaeth ddyraniad blynyddol; adolygwyd yr un ar bymtheg o achosion a neilltuwyd gan banel a ddewiswyd yn seiliedig ar angen clinigol.</p> <p>Penderfynodd yr aelodau:</p> <ul style="list-style-type: none">• Nodi'r cyflwyniad a stori'r claf.
QS025/009	<p>3.1 Cofrestr Risg y Cyd-bwyllgor Comisiynu – Risgiau a Neilltuir i'r Is-Bwyllgor QSO</p> <p>Derbyniodd yr aelodau ddiweddariad byr ar y gofrestr risg gan amlygu mai'r nod oedd dyrannu risgiau allweddol yn ymwneud ag Ansawdd, Diogelwch a Chanlyniadau i'r is-bwyllgor hwn at ddibenion monitro a chraffu.</p> <p>Byddai adroddiad ysgrifenedig wedi'i ddiweddarau yn cael ei gyflwyno i gyfarfod mis Mawrth 2025.</p> <p>Penderfynodd yr aelodau:</p> <ul style="list-style-type: none">• Nodi'r diweddariad ar lafar.
QS025/010	<p>4.1 Adroddiad gan y Cyfarwyddwr Comisiynu ar gyfer Gwasanaethau Arbenigol</p> <p>Derbyniwyd adroddiad ar gyfer Comisiynu Gwasanaethau Arbenigol. Adroddodd Melanie Wilkey (MW) ar wasanaethau arbenigol amrywiol, gan amlygu:</p> <ul style="list-style-type: none">• Gwasanaethau Peditrig a Newyddenedigol - gwelliannau yn y gweithlu ar gyfer gwasanaethau peditrig a newyddenedigol a gyflawnwyd trwy recriwtio lleol a rhyngwladol a lleihau lefelau salwch,• Llawfeddygaeth Blastig - cynnydd mewn amseroedd aros ar gyfer llawdriniaeth blastig,



Cyfeirnod yr Eitem	Eitem ar yr Agenda
	<ul style="list-style-type: none">• Trawma Mawr - statws system ddata'r rhwydwaith trawma mawr.• Gwasanaethau Mamolaeth Ysbyty Tywysoges Cymru - Roedd uned famolaeth Ysbyty Tywysoges Cymru wedi ailagor. <p>Amlygodd PT bryderon ynghylch y risgiau a'r amserlen ddatrys ar gyfer gwasanaethau newyddenedigol a phediatrig, gan bwysleisio pwysigrwydd uwchgyfeirio strategol a sicrhau cysondeb â'r rhwydwaith newyddenedigol. Soniodd MW am gyfarfodydd y Tîm Gweithredol sy'n mynd rhagddynt ac adolygiad newyddenedigol dau gam, gan nodi nad oedd yr ail gam wedi dechrau eto oherwydd oedi wrth recriwtio rheolwr rhaglen. Ychwanegodd CB y byddai deall rhyngwyneb y gwaith a rhoi sicrwydd yn ôl i'r is-bwyllgor hwn yn hanfodol wrth i'r gwasanaeth fynd rhagddo, er gwaethaf y diffyg cynnydd presennol. Bydd dangosfyrddau yn cael eu rhoi yng nghyfarfod mis Mawrth 2025. Cymeradwyodd SE yr awgrym am ddiweddariad eitem benodol ar y darn hwn o waith oherwydd y cynnydd araf.</p> <p>Holodd yr aelodau a ddylai hyn gael ei uwchgyfeirio i'r CBC ond ar ôl trafodaeth cytunwyd bod y cyflymder yn araf ond gan fod Bwrdd Iechyd Prifysgol Caerdydd a'r Fro (BIPCaF) i fod i fynychu cyfarfod QSO ym mis Mawrth 2025 i gyflwyno ar y gwelliannau cytunwyd i aros tan ar ôl y cyfarfod hwn cyn penderfynu a ddylid uwchgyfeirio hyn i'r CBC.</p> <p>CAM GWEITHREDU: Darparu diweddariad ar y dull strategol a chynnydd ar gyfer datrys problemau mewn gwasanaethau newyddenedigol a phediatrig, gan gynnwys mesurau atal a rheoli heintiau, ar gyfer cyfarfod mis Mawrth 2025.</p> <ul style="list-style-type: none">• Amseroedd Aros Llawfeddygaeth Blastig - Mae Bwrdd Iechyd Prifysgol Bae Abertawe (BIPBA) wedi derbyn cadarnhad o gyllid gofal wedi'i gynllunio i fynd i'r afael â'r amseroedd aros o 104 wythnos mewn llawfeddygaeth blastig erbyn diwedd mis Mawrth 2025. Er mwyn cyflawni hyn, bydd angen cynyddu gweithgarwch yn ystod mis Chwefror a mis Mawrth 2025. Nododd MW fod y CBC yn dal i aros am wybodaeth ynghylch cleidion sy'n aros yn hir. Mae BIPBA wedi cadarnhau i'r CBC eu bod yn adolygu pob un sy'n aros yn hir yn rheolaidd, ond mae'r CBC wedi gofyn am wybodaeth ychwanegol am sicrwydd. <p>CAM GWEITHREDU: Rhoi diweddariad penodol ar yr wybodaeth ansoddol ynghylch yr adolygiad o gleifion sy'n aros yn hir ar gyfer llawdriniaeth gosmetig yng nghyfarfod mis Mawrth 2025.</p> <p>Darparodd MW ddiweddariadau o'r cwestiynau blaenorol a dderbyniwyd</p>



Cyfeirnod yr Eitem	Eitem ar yr Agenda
	<p>gan gynnwys Dychwelyd Therapi Radioniwclid Derbynyddion Peptid (PRRT) a throsglwyddo cleifion fesul cam o Lerpwl i Felindre. Cadarnhaodd MW y byddai unrhyw gleifion newydd yn cael eu hatgyfeirio i Felindre ond ar gyfer cleifion sydd eisoes wedi dechrau eu triniaeth gallant ddewis parhau â hyn yn Llundain er mwyn sicrhau parhad gofal.</p> <ul style="list-style-type: none">• Llawfeddygaeth Gardiaidd – Darparodd MW ddiweddiariad ar Lawfeddygaeth y Galon yn Ysbyty Athrofaol Cymru a roddwyd i fonitro manylach y Cyngor Meddygol Cyffredinol. Nododd y Cyngor Meddygol Cyffredinol bryder mewn perthynas â hyfforddeion cardiaidd a diffyg cyfleoedd hyfforddi a chapasiti hyfforddwyr annigonol yn ogystal â rhai materion diwylliant yn yr uned. Mae'r Cyngor Meddygol Cyffredinol wedi argymhell y dylai'r uned weithio gydag Addysg a Gwella Iechyd Cymru (AaGIC) i roi cynllun gwella ar waith mewn ymateb i bryderon. Bydd AaGIC yn trefnu ymweliadau i wirio'r cynnydd sy'n cael ei wneud.• Ysgogi yn Nyfnder yr Ymennydd – Yn dilyn sicrwydd a roddwyd gan gydweithwyr yn Ymddiriedolaeth GIG Gogledd Bryste, mae'r Tîm Comisiynu'n gweithio gyda'r gyfarwyddiaeth Nyrso a Meddygol i gadarnhau'r broses a'r cyfathrebu ar gyfer ailagor llwybr Ysgogi yn Nyfnder yr Ymennydd gyda'r Ymddiriedolaeth ar gyfer cleifion yn ne-ddwyrain Cymru, de-orllewin Cymru a de Powys.• Canolfan Walton – Fe wnaeth y tîm Ansawdd ymweld â Chanolfan Walton yn ddiweddar a gwelwyd arfer clinigol a safonau rhagorol. Roedd arwyddion a thafenni gwybodaeth Cymraeg ar gael yn y manau clinigol. Mae adolygiad o niwed wedi'i gynnal yn dilyn problem gyda system atgyfeirio Orion. Effeithiodd hyn ar rai cleifion o Gymru ac arweiniodd at golli apwyntiadau dilynol. Bydd canfyddiadau'r adolygiad yn cael eu hadrodd yn ôl i QSO.• Gwasanaeth Dyfeisiau Clywedol Arbenigol - nid yw'r CBC eto wedi derbyn y trywydd a'r cynllun gwella y gofynnwyd amdano. Roedd trafodaethau ar uwchgyfeirio'r gwasanaeth yn parhau. <p>Nododd SE fod Shameem Nawaz (SN) wedi holi a oedd cleifion Hyperinswliniaeth Cynhenid yn cael eu hanfon i Berlin i gael triniaeth, a phwy oedd yn talu'r costau. Ymatebodd CB, oherwydd y nifer fach a phrin o gleifion, nad oedd unrhyw gleifion o Gymru wedi'u heffeithio ar hyn o bryd. Pe bai angen y driniaeth hon ar unrhyw gleifion o Gymru, byddai'r Byrddau Iechyd unigol yn talu'r costau. Ychwanegodd MW y byddai diweddiariad ar ddatrysiad mater cynhyrchu isotop ymbelydrol</p>



Cyfeirnod yr Eitem	Eitem ar yr Agenda
	<p>ym Mhrifysgol Caerdydd a'i effaith ar gleifion yn ne Cymru hefyd yn cael ei roi unwaith y byddai ar gael.</p> <p>Penderfynodd yr aelodau:</p> <ul style="list-style-type: none">• Nodir diweddariadau comisiynu arbenigol sy'n cael eu crynhoi yn yr adroddiad hwn, a• Nodir crynodeb o'r risgiau arbenigol a ddisgrifiwyd ac uwchgyfeirio yn ôl yr angen.
QS025/011	<p>4.2 Adroddiad gan y Cyfarwyddwr Comisiynu ar gyfer Gwasanaethau Ambiwllans ac 111</p> <p>Derbyniwyd adroddiad ar gyfer Comisiynu ar gyfer Gwasanaethau Ambiwllans ac 111.</p> <p>Cyflwynodd CB yr adroddiad a thynnwyd sylw at y dangosfwrdd ansawdd a diogelwch, sy'n cynnwys adroddiadau lefel uchel ar barthau ansawdd. Nododd yr aelodau:</p> <ul style="list-style-type: none">• bod Gwasanaeth Ambiwllans Cymru wedi nodi digwyddiad argyfyngus tua diwedd y llynedd oherwydd pwysau parhaus ar ambiwlansys brys. Mae'r pwysau hyn wedi parhau i fis Ionawr 2025. Mae'r tîm comisiynu wedi bod yn gweithio'n agos gyda chydweithwyr yn y bwrdd iechyd i fynd i'r afael â'r pwysau hyn a datblygu cynlluniau gwella.• Cynhaliwyd gweithdy ar 10 Rhagfyr i ddatblygu cynlluniau gwella ar gyfer y gwasanaeth ambiwlans gyda ffocws ar fynd i'r afael â'r pwysau parhaus a'r risgiau a amlygwyd yn yr adroddiad,• Darparwyd diweddariad ar yr adolygiad o fesurau'r gwasanaeth ambiwlans sydd â'r nod o sicrhau bod canlyniadau cleifion o safon yn cyd-fynd â thargedau perfformiad ambiwlansys.• Mae'r CBC wedi bod yn gweithio gyda Gweithrediaeth y GIG ar y dangosfwrdd disglair i edrych ar sut i gynnwys hyn yn yr adroddiad wrth symud ymlaen. <p>Cododd MR bryderon ynghylch cydymffurfiaeth bwndeli, a nodwyd bod cydymffurfiaeth ar gyfer cnawdnychiant myocardaidd gyda segment ST uwch (STEMI) o dan 70%. Eglurodd PT fod gwaith parhaus yn cael ei wneud i wella cydymffurfiaeth bwndeli gofal, a oedd yn cynnwys dealltwriaeth o'r hyn y gellid ei wneud o safbwynt Ymddiriedolaeth Gwasanaethau Ambiwllans Cymru ac o safbwynt system i wella cydymffurfiaeth ar draws gwahanol fwndeli gofal.</p> <p>Ychwanegodd Phill Taylor (PT) fod cyfarfod ar y gweill gyda Llywodraeth Cymru i drafod y camau nesaf sydd wedi'u trefnu ar gyfer 5 Chwefror 2025, ac y byddai'r canlyniadau'n cael eu cyflwyno i Ysgrifennydd y</p>



Cyfeirnod yr Eitem	Eitem ar yr Agenda
	<p>Cabinet ddiwedd mis Chwefror 2025. Awgrymodd SE y dylid dod â'r wybodaeth ddiweddaraf yn ôl i gyfarfod mis Mawrth 2025.</p> <p>CAM GWEITHREDU: Rhoi diweddariad ar y gwaith parhaus ynghylch adolygu mesurau'r gwasanaeth ambiwlans a chydymffurfiaeth bwndeli yng nghyfarfod mis Mawrth 2025.</p> <p>Holodd PK am ddata coll yn yr adroddiad, yn benodol canran y cleifion sy'n cael eu cadw gartref yn hytrach na'u trosglwyddo i ysbytai. Eglurwyd bod newidiadau mewn systemau adrodd wedi achosi bylchau yn y data, ond bod ymdrechion yn cael eu gwneud i fynd i'r afael â'r mater hwn.</p> <p>CAM GWEITHREDU: Sicrhau bod canran y cleifion a gedwir gartref yn hytrach na'u trosglwyddo i ysbytai yn cael eu cynnwys yn yr adroddiad nesaf.</p> <p>Awgrymodd AM ychwanegu data coch ac ambr a ryddhawyd ar unwaith i'r adroddiad. Cadarnhaodd PT fod y data ar gael a chytunodd i'w gynnwys mewn adroddiadau yn y dyfodol, ynghyd â diweddariad ar waith yn ymwneud â cheisiadau rhyddhau ar unwaith.</p> <p>CAM GWEITHREDU: Cynnwys data coch ac ambr a ryddhawyd ar unwaith yn yr adroddiad nesaf.</p> <p>Penderfynodd yr aelodau:</p> <ul style="list-style-type: none">• Nodi'r diweddariadau a grynhoir yn yr adroddiad hwn; a• Nodi'r risgiau a ddisgrifiwyd ac uwchgyfeirio yn ôl yr angen.
QS025/012	<p>4.3 Adroddiad gan y Cyfarwyddwr Comisiynu ar gyfer Iechyd Meddwl, Anableddau Dysgu a Grwpiau Agored i Niwed</p> <p>Derbyniwyd adroddiad ar gyfer Comisiynu ar gyfer Iechyd Meddwl, Anableddau Dysgu a Grwpiau Agored i Niwed.</p> <p>Cyflwynodd Adrian Clarke (AC) yr adroddiad a thynnu sylw at y canlynol:</p> <ul style="list-style-type: none">• Digwyddiadau Difrifol - bu 40 o ddigwyddiadau difrifol: un digwyddiad o niwed difrifol dros y cyfnod adrodd.• Sgoriau Ansawdd - mae ysbytai a chartrefi gofal yn cael eu graddio o dan y fframwaith gwasanaethau. Roedd rhai unedau, fel St. Andrews yn Northampton, yn cael trafferth gyda materion staffio a meddyginiaeth, gan arwain at bryderon diogelwch posibl. Roedd cynlluniau gweithredu ar waith i fynd i'r afael â'r materion hyn.



Cyfeirnod yr Eitem	Eitem ar yr Agenda
	<ul style="list-style-type: none">• Gwasanaethau Diogelwch Uchel - Roedd Broadmoor yn wynebu heriau staffio, gan arwain at ailrwyddedu am flwyddyn yn lle'r pum mlynedd arferol. Mae claf o Gymru wedi gorfod aros bron i chwe mis am leoliad yn Broadmoor, ac roedd yn cael ei gadw ar hyn o bryd mewn uned dan glo canolig gyda staff 4-i-1 oherwydd ymddygiad heriol. Rhagwelir y bydd y claf hwn yn cael ei dderbyn erbyn trydedd wythnos Chwefror. Mae'r Comisiwn Ansawdd Gofal yn rheoli'r holl dderbyniadau ac yn gweithio drwy'r rhestr aros. Bydd y CBC yn ysgrifennu at y Cyfarwyddwr Comisiynu Arbenigol yn Lloegr yn amlygu pryderon ynghylch amseroedd aros hir a mynediad i gleifion o Gymru.• Gwasanaethau Diogelwch Canolig - roedd problemau capasiti yn Caswell a Thŷ Llewelyn. Mae gwaith yn mynd rhagddo i fynd i'r afael â'r materion hyn a chynlluniau i gwrdd â Bwrdd Iechyd Prifysgol Betsi Cadwaladr a'r Cyfarwyddwr Iechyd Meddwl i drafod comisiynu yn y dyfodol. Amlygodd AC mai'r dyddiad i'w sefydlu'n llawn oedd Mawrth 2025, nid Tachwedd 2024.• Cwynion – roedd y rhain yn bennaf gan gleifion am ymddygiad a maeth cleifion eraill. <p>Ychwanegodd CB y byddai cwynion hefyd yn cael eu hadrodd drwy'r adroddiad Digwyddiadau a Phryderon.</p> <ul style="list-style-type: none">• Gwasanaethau Rhywedd - byddai adolygiad o glinigau asesu rhywedd yn Lloegr yn dod i edrych ar wasanaeth Caerdydd erbyn diwedd mis Chwefror, cyn cyhoeddi eu hadolygiad. Rhoddodd hefyd ddiweddariadau ar wasanaethau rhywedd plant a phobl ifanc a chomisiynu gwelyau mewn uned amenedigol newydd yng ngogledd Cymru a chynlluniau i agor clinigau lloeren yng Nghymru. <p>Nododd CB y byddai'r clinig lloeren yn cael ei redeg gan staff NHS England. Byddai'r tîm yn darparu clinig yn agosach i adref yn hytrach na bod yn wasanaeth a ddarperir gan y GIG yng Nghymru.</p> <ul style="list-style-type: none">• Gwasanaeth Amenedigol yng Ngogledd Cymru - mae'r tîm Iechyd Meddwl, Anabledau Dysgu a Grwpiau Agored i Niwed yn parhau i gysylltu'n agos â Phartneriaeth Swydd Gaer a Chilgwri ac NHS England ynghylch gwasanaeth newydd yng Nghaer. Bydd dau wely wedi'u comisiynu ar gyfer cleifion Cymru ar gael o fis Hydref 2025.



Cyfeirnod yr Eitem	Eitem ar yr Agenda
	<p>Penderfynodd yr aelodau:</p> <ul style="list-style-type: none">• Nodi'r wybodaeth a gyflwynwyd yn yr adroddiad; a• Derbyn yr adroddiad fel sicrwydd bod yna fecanweithiau cadarn ar gyfer sicrhau diogelwch ac ansawdd o fewn y rhaglen.
QS025/013	<p>4.4 Adroddiad Digwyddiadau a Phryderon</p> <p>Derbyniwyd adroddiad yn amlinellu digwyddiadau a phryderon diweddar a adroddwyd i'r CBC gan ddarparwyr a gwasanaethau a gomisiynir ar gyfer y cyfnod rhwng Hydref 2024 a Rhagfyr 2024. Mae'r adroddiad yn cynnwys digwyddiadau sy'n ymwneud ag Iechyd Meddwl a'r gwasanaeth Ambiwlans gan eu bod wedi'u cynnwys yn eu hadroddiadau ar wahân. Roedd gwaith yn mynd rhagddo i wella adrodd ar gyfer gwasanaethau ambiwlans ac 111 a chynlluniau i gwrdd ag MR i drafod manylion adrodd.</p> <p>Amlygodd CB y canlynol:</p> <ul style="list-style-type: none">• Derbyniwyd 1 gŵyn newydd yn ymwneud â phryder hawl Ffrwythloni In Vitro, a oedd wedi'i chau, a chyflwynwyd ymateb i'r darparwr ac• adroddwyd un ar ddeg o ddigwyddiadau cenedlaethol newydd i'r timau Comisiynu a 2 hysbysiad Datix. Holodd MR am yr adroddiadau; felly, awgrymodd CB y byddai ei thîm yn cyfarfod gydag MR i'w drafod. <p>CAM GWEITHREDU: CB ac MR i wella'r manylion yn yr adroddiad digwyddiadau a chwynion, gan sicrhau anhysbysrwydd cleifion.</p> <p>Cododd MR bryderon am anafiadau staff a holodd a oeddent yn gysylltiedig â lleoli cleifion. Nododd fod wyth claf â mewnbliadau CIED y tu hwnt i'w dyddiadau dod i ben. Cadarnhaodd CB nad oedd hyn yn ymwneud ag uned Caswell ond â'r ystafell neilltuaeth a soniodd am achos busnes parhaus. Bydd CB yn rhoi sicrwydd i MR ynghylch camau gweithredu'r tîm mewn perthynas â'r mater hwn.</p> <p>Gofynnodd PK ble i ddod o hyd i wybodaeth am degwch costau mynediad i Fyrddau Iechyd. Ymatebodd CB nad oedd y pwnc hwn yn cael sylw yn yr adroddiad hwn ac y dylid ymdrin ag ef yn adroddiadau'r cyfarwyddwr. Byddai unrhyw annhegwch yn cael ei nodi.</p> <p>Gofynnodd SE am eglurhad ynghylch ble byddai'r adroddiadau hyn yn cael eu cyhoeddi. Ychwanegodd MW nad oedd unrhyw ronynedd data i roi sicrwydd ar hyn eto.</p> <p>Tynnodd PK sylw at anghydraddoldebau systemig mewn gofal iechyd a rhoddodd ddwy enghraifft. Pwysleisiodd bwysigrwydd ymwybyddiaeth y</p>



Cyfeirnod yr Eitem	Eitem ar yr Agenda
	<p>pwyllgor, yn enwedig i grwpiau bregus. Gan gyfeirio at gyfraith Tudor Hart, nododd mai'r rhai sydd â'r angen mwyaf yn aml sydd â'r mynediad lleiaf a chwestiynodd ffocws y pwyllgor ar y mater hwn.</p> <p>Tynnodd Iolo Doull (ID) sylw at yr heriau y mae'r CBC yn eu hwynebu wrth fynd i'r afael â mynediad teg at feddyginiaethau cost uchel heb ddealltwriaeth glir o'r llwybr. Mae cyflwyno Cynnyrch Meddyginiaethol Therapi Uwch (ATMPs) yn pwysleisio'r angen am ddata da. Mae gwaith cychwynol gan ddefnyddio system gan GIG Lloegr wedi dangos annhegwch o ran mynediad at y meddyginiaethau hyn, a all gostio hyd at £3.2 miliwn y claf. Mae therapïau CAR celloedd-T, a ddefnyddir yn aml ar gyfer cleifion canser, fel arfer yn costio tua £500,000 yr un ac fe'u darperir trwy Gaerdydd a'r Fro a Gogledd Cymru, gyda rhai cleifion yn mynd i Lerpwl. Roedd sicrhau mynediad teg yn hanfodol, ac roedd deall y llwybr yn angenrheidiol i fynd i'r afael ag anghydraddoldebau presennol.</p> <p>Bydd angen i adrodd ar annhegwch mynediad fod yn ddarn o waith ar wahân a bydd yn cael ei symud ymlaen.</p> <p>Penderfynodd yr aelodau:</p> <ul style="list-style-type: none">• Nodi'r adroddiad; a• Derbyn yr adroddiad er sicrwydd.
QS025/014	<p>4.5 Adroddiad y Rheoleiddiwr (Arolygiaeth Gofal Iechyd Cymru (AGIC) / Y Comisiwn Ansawdd Gofal (CQC)</p> <p>Rhodddwyd diweddariad ar weithgarwch rheoleiddio gan gynnwys newidiadau diweddar mewn cynrychiolaeth a gwaith parhaus gyda Gweithrediaeth GIG Cymru a Llywodraeth Cymru (LIC). Tynnodd CB sylw at bwysigrwydd mynd i'r afael â materion atal a rheoli heintiau a materion yn ymwneud â thriniaethau cardiaidd.</p> <p>Cododd MR gwestiwn ynghylch lle mae adroddiadau cyrff proffesiynol neu reoleiddiol, megis y rhai gan y Comisiwn Ansawdd Gofal (CQC) ac Arolygiaeth Gofal Iechyd Cymru (AGIC) yn cael eu hadrodd. Soniodd MR am y Cyngor Meddygol Cyffredinol (GMC) a nododd fod adroddiad ar wasanaethau arbenigol wedi tynnu sylw at faterion yn ymwneud â gwasanaethau cardiaidd. Soniodd hefyd am y Cyngor Nyrsio a Bydwreigiaeth (NMC) a holodd am unrhyw faterion proffesiynol strategol perthnasol. Yn ogystal, roedd yn meddwl tybed a oedd unrhyw adroddiadau gweinidogol neu adolygiadau cenedlaethol ac ymhle y byddent yn cael eu hadrodd. Ymatebodd CB drwy ddweud eu bod wedi'u hadrodd yn flaenorol ond nad oeddent wedi'u cynnwys yn yr adroddiad hwn a chadarnhaodd, os oeddent yn berthnasol, y byddai'r rhain yn cael eu cynnwys yn yr adroddiad hwn.</p>



Cyfeirnod yr Eitem	Eitem ar yr Agenda
	<p>Penderfynodd yr aelodau:</p> <ul style="list-style-type: none">• Nodi'r adroddiad; a• Derbyn yr adroddiad fel sicrwydd.
QS025/015	<p>5.1 Unrhyw Fater Arall Nid oedd unrhyw fater arall i'w drafod.</p>
QS025/016	<p>5.2 Eitemau i'w gohirio/uwchgyfeirio i'r Cyd-bwyllgor Comisiynu / Is-bwyllgorau eraill ac adolygu unrhyw gamau gweithredu i gyfarfodydd yn y dyfodol</p> <ul style="list-style-type: none">• Gwasanaethau Newyddenedigol - trafodwyd yr angen i uwchgyfeirio pryderon ynghylch gwasanaethau newyddenedigol i'r Cyd-bwyllgor. Awgrymodd MW y dylid mynd ag ef ymlaen i gyfarfod nesaf y pwyllgor yn gyntaf. Adleisiodd CB hyn a nododd y byddai'r meysydd hyn yn cael eu cynnwys yn adroddiad y cadeirydd yr adroddir arno i'r Cyd-bwyllgor.• Tegwch Mynediad: Cynnwys adroddiadau manwl ar degwch mynediad yn yr adroddiadau comisiynu, gan sicrhau bod unrhyw annhegwch yn cael ei amlygu ac yn cael sylw. Fodd bynnag, byddai angen i hwn fod yn ddarn o waith a'i ddatblygu dros amser. <p>Mae eitemau i'w cynnwys yn y cyfarfod nesaf wedi'u nodi fel camau gweithredu.</p>
QS025/018	<p>7.5 Dyddiad y Cyfarfod Nesaf Daeth y cyfarfod i ben am 15:57. Mae'r cyfarfod nesaf wedi'i drefnu ar gyfer 31 Mawrth 2025 am 13:30.</p>